

Band X., Nr. 4200, Seite 3

Priorin Werndrut und Konvent von Kirchberg verkaufen Heinrich von Sunthein und seiner Frau ein Haus zu Schömberg als Leibgeding.

Schömberg, 1292. Ohne Tagesangabe.

Allen die disen brief hörend lesen, wúnschen wir schwester Werndrut dú priorin und allú dú sammunge Predigerordens ze Kirchperg hail und kuntschaft dirre dinge. Wir kunden allen lúten, das wir das hus ze Schônberg, das uns der degant gab durch got und durch siner sele willen, haben ze koufen gegeben dem hern Hainrich von Sunthein¹ umb vierzehen pfunt Haller ze lipdinge ime und siner wirtinne von Wurmelingen also, weders e stirbet, das es halbes ledig si, so sú baidú tot sind, so sol es alles dem closter ledig sin, und was sú erben händ ald ymmer gewinnet, die súllent nütznit mit ze tůne han. Also händ sú uns wider gemachet gezúge, die hier an gewesen sind: brúder Philips, brúder Wilhelm und brúder Hainrich von Schwenningen und der keller von Frumarn und herre Berchtolt Zing und Fúge siner tochter man und ander biderbe lúte, die disz sahen und hörtan.

 Dis geschach ze Schônberg vor dem selben huse, do tusend und zway hundert, und zway und núnzig jār wāren von gotes geburt.

—

Nach Kopialbuch.

¹Sonthof, Rottweil, RW.

Überlieferung und Publikationen

Überlieferung und Textkritik:

Original. War auch im 1944 durch Fliegerangriff verbrannten Diplomat HStA Stuttgart H 14 Nr. 160, Bl. 108 (Kl. Kirchberg, 15. Jahrh., Bd. II).

Weitere Angaben

Sprache:

Deutsch

Ausstellungsort:

Schömberg

Ortsindex:

Kirchberg Wohnplatz (12729)
 Kirchberg, Sulz am Neckar, RW
 Schwenningen Wohnplatz (13970)
 Schwenningen, Villingen-Schwenningen, VS
 Schömberg Wohnplatz (16531)
 Schömberg, BL
 Sonthof Wohnplatz (12419)
 Sonthof, Rottweil, RW
 Wurmlingen Wohnplatz (16193)
 Wurmlingen, Rottenburg am Neckar, Tü